



增廣註釋音辯唐柳先生文集卷之十七

奏狀

為廣南鄭相公奏百姓產三男狀

鄭

右臣所部貞節坊百姓某妻產三男者臣詳究往例實謂休徵已量  
事給絹三十疋充其乳養者伏以陛下勤郵黎元感通天地靈心昭  
答景福已興方便億兆繁滋區夏充物音勿故表祥於字育是啓運  
於升平事杳化源慶延邦本鱗羽之瑞曾何足云臣幸列藩維嘗叨  
樞近私賀之至

為薛中丞浙東奏五色雲狀

元和甲薛平  
或云薛云

右臣得管內台州奏月日五色雲見者一州官吏僧道耆老悉皆瞻  
觀已具奏聞并駕圖奉進者伏以景雲上瑞王者社符煥彩彰之在  
天知聖德之昭感伏惟陛下化孚有截道洽無垠承天地之貞明導  
陰陽之和氣遂使紛紛郁郁自東而徂西若煙非煙一旬而再至微

諸古謀事罕前聞伏乞宣付史官以昭簡冊

為裴中丞奏邕管黃家賊事宜狀裴行立

右今月四日邕管奏事官嚴訓過稱押衙譚叔向等與黃家賊五千餘人謀為翻勤雖已誅斬猶未清寧當時差本道同十將某至邕管界首賓州以來迎探事宜兼為聲援昨得十四日狀并嚴訓狀報同其黃家賊並已退散各歸洞穴訖伏以鼠竊狗偷非足為患陛下威靈遠被神化旁行遂使姦狡之謀先期而自露一作發回邪之黨不戢而盡夷伏恐飛章已達吉語未聞尚軫天心猶煩朝筭臣謬居方鎮忝接壇界所得事宜不敢不奏

讓監察御史狀宗元為監察御史裏行

右臣伏準名例律諸官與父祖諱同者不合冒祭居之臣祖名察躬今臣蒙恩授前件官以幼年逮事王父祖禮律之制所不敢踰臣不勝進退惶恐之至謹詣光順門奉狀以聞伏聽勅旨貞元十九年閏

十月日具官臣某奏奉勅新除監察御史柳宗元祖名察躬準禮二名不偏諱不合辭讓年月日檢校司空同中書門下平章事杜佑宣

為京兆府昭應等九縣祈夏苗旱損狀

右臣謬領京畿已逾兩月政術無取誠懇莫申遂使雨澤愆時田苗微損夙夜兢懼寢食靡遑今長安一十四縣並準常年例全徵其昭應等九縣臣各得狀並令詳審各絕隱歎謹具別狀封進臣當府夏稅通計約二十九萬石以上據所損矜免抵當三萬石有餘恤人則深減數非廣伏以聖慈弘貸憫念蒸黎臣忝職司不敢不奏無任慙懼之至謹錄奏聞伏聽勅旨

為南承嗣請從軍狀父南齊雲

故某官贈某官某乙男某官某乙

右臣亡父至德之歲死節睢陽睢宣佳切陛下每降鴻恩必加褒寵臣自七歲即忝班榮承嗣七歲為垂五十年常居祿秩再守遐郡為施涪州刺

史績用無成終貽官謗其就嚴謹劉闢反承嗣以無以負荷先志報

效殊私以慙以懼隕越無地伏見某月日勅元和十四年十月十四日以王承宗負

恩于紀命將徂征雷霆所加殄滅在近臣竊不自揆思竭忠誠願預

一卒之任以答百生之幸庶得推鋒觸刃摩壘舉旗左氏傳靡

取敵之旗也冀獲盡於微試儻不墜於遺烈躍上之至夙夜不寧敢

希皇明俯鑒丹懇臣聞周官考藝國子置車甲之司周禮夏官大子

有兵甲之事漢道推恩孤兒備羽林之用武帝養死事之伴若

於事越漢武帝時南越呂嘉反韓千秋奮仲孺期死於奔吳前漢淮

若將軍頭以報父仇遂馳入吳軍義激君親名高竹帛臣雖無似有

之至謹錄奏聞伏候勅旨

進農書狀三卷右伏奉某月日勅宜以二月一日為中和節所司進農書永以為恒

武者貞元五年臣伏以平秩東作虞書立制倣載商前周雅垂文此皆

奉天時以授人盡地力而豐食自陛下德宗惟新令節益厲農功既

立典於可傳每陳書而作則耕鑿之利敷帝力於嘉謨稼穡之難動

天心於睿覽勤勞率下超邁古先凡在率土不勝幸甚前件農書謹

函封進謹奏

代人進瓷器狀瓷器才資切陶瓷器若干事十本無一右件瓷器等並藝精埏埴埏音纏和上也埴

合規模稟至德之陶蒸自無苦賦記舜陶河濱器不若合大和以

融結克保堅貞且無瓦釜之鳴集瓦金雷鳴是稱土錙之德錙音

既尚質而為先陶器尚質也亦當無而有用老子錙以

用謹遣某官某乙隨狀封進謹奏

柳州舉監察御史柳漢自代狀元和十年

右其準從前赦文常參官上後舉一人自代者元和六年伏見前件官頗有才行長於政術久歷嶺南使職臣之所知敢舉自代無任懇迫之至

上戶部狀左降官負外置同正官判舊用戶部省負關官數萬

右伏以左降官是受其之人都不釐務戶部錢是準物收貯不合別支又所授負外官亦非舊制宗元在永州日見百姓在宅公驗有司戶李邕判給處足明皆是正官今請悉依故事為準並廢負外所置凡在貶黜授以正負責其成功俾無虛授貯錢既免支用加數足應軍須實負不濫分官無曠職謹狀

柳州亡本府狀上桂管觀察府○稟誠救兄莫蕩以竹刺莫幸已內死者各依殺人論

右奉牒準律文勳分者分去已帖縣準牒待秋分後舉勳分訖伏以

中丞裴行立慈惠化人孝悌成俗屬吏所見皆許申明至公之下收場

愚慮竊以莫誠赴急而動事出一時解難為心豈思他物救兄有意難之戚中臂非必死之瘡不幸致殂揣非本意按文固當恭守撫事似可哀矜斷手方迫於深裏周身不遑於遠慮律宜無赦使司明至當之心情或未安守吏切惟輕之願况俟期尚遠稟命不違伏乞俯賜興哀特從屈法幸全徵命以慰遠黎則必闔境荷慈育之恩豈惟一夫受生成之賜儻以律文難驟使牒已行則伏望此狀便令廢格昔輕賜塵蹟惶戰交深謹錄狀上奉聽處分

為裴中丞伐黃賊轉牒裴行立

當管奉詔與諸管齊進當管桂管也諸管謂容管邕管廣南等路誅討邕管章賊黃少卿

漢軍馬步等若干人各具兵馬數及軍將若干前牒奉處分竊以天

啓昌期大功畢集神開興運徵惡盡除黃少卿等歷稔逋誅舉宗肆

暴黃少卿首領黃少卿少卿子昌昌渠暴等自貞元以來為害前後陷十餘州恃狡兇之穴踞伏偷安

全祖... 馮章狐之立跳踉見恠孽魚列反狀也跳徒彫切以

為威狐不射天綱可逃侵逼使臣隳犯王畧恣其毒虐速我誅鋤敵

國盡在於舟中吳起選師已期於席上家語謂宜投戈頓額面縛乞

身歸郡邑於王官效黎獻於天吏而乃繕兵補卒增壘閉途正當天

討之辰更積鬼誅之罪莊子為不善於幽闇衆輕闔蟻勇劣怒蛙非

子越王伐吳敗人之輕死也出見怒蛙乃為織縞當強弩之初編古

之賦從者曰吳敦於此王曰為其有氣故也織縞當強弩之初編古

前漢韓安國傳強弩孤豚價肥牛之下價方問切也左傳昭公十

之未不繼入曾縞三年牛雖齊價于解上其畏

死事同拾芥力易摧枯抄忽降腰虛見辱於齊斧齊如字又側皆切

張晏云突梯鼠首濫欲寄於旄頭突吐忽切音旄旄音勦絕有特

不索何獲索色宰切左某拱稽致命國語吳語或云籍計兵名

執銳忘生車甲既備於小戎鯨鯢豈逃於誅戮左傳宣公十二年

以爲大戮注箭淵大魚名以喻不義之人吞食小國切觀上略總帥

中權左傳宣公十二年戰士義激於身心列校勢成於臂指

蹶張之技盡出於山林蹶音厥前漢以林官蹶張注林官之

師古曰今之弩以手張之張張律有蹶張士

曰蹶張以足踏者曰蹶張張張律有蹶張士

地距以為堅而能拔取之賞懸香餌令布疾雷莫不鼓舞戎行虞

恭師律投軀不憊於羽檄二尺憊乃急則神以鳥羽示急也跂足唯

俟於牙璋璋遣尔切卒睡也周禮典瑞注牙今月某日奏事官米蘭

迴捧受詔命神飛首勇足蹈心馳懽聲洽於萬夫勝氣橫於千里國

容不入履且及於寢門司馬法古者國容不入軍軍容不入國也左

劍及於寢門之外家事勿關土已填於左闔國語勾踐伐吳入命夫

注空皇寢門闕也出外政無入內有辱是子也外有辱是我也即以月日全軍出次分

道並進所期戮力敢告同心孔大夫御史大夫嶺南貞直冠時清明

格物全體許國一心在公兵精食浮為日固久容府揚中丞揚當作

中丞容管經署使陽晏以義烈為已任勳襲太常安南李中丞御史中丞安南

王李羣之子以英武為家風業傳彝器並膺邦寄克達皇威南則浮海濟

之子



師共集堂堂之陣東則橫江誓衆用成善善之功以此鼓行坐觀盡敵刑惟勿喜誅有可哀微側之勇冠一方竟就伏波之戮後漢高祖反伏波將軍呂嘉之威行五嶺終推下瀨之師帝紀甲為下瀨將軍下蒼梧得呂嘉首遂定越地嗟此陋微自貽擒滅勉成良畫速致殊勳雖荒微之地固不勞於有征微吉弔而昇平之年將自此而何事書之竹帛實謂揚名事須移牒隣管以成犄角舉牒考符居綺切犄引也左氏擊其足也

賀誅淄青逆賊李師道狀賀中書門下

右今月三日得知進奏官某報前件賊以前月九日克就梟戮者伏以天啓聖期神寶良弼必有懲討以致昇平蠢爾兇渠敢行悖亂締交於雷霆之下締丁計切憲宗討吳元濟李師道王承宗陰黨援乃伏盜京師刺用事大臣效逆於化育之辰逞材聲以欺天恣狼心而犯上嘉謨克協威命旁行破竹寧比其發機走丸未喻於乘勝濁河清濟曾無溝洫之虞濟子礼切清大

峴琅邪不聞溷岸之阻峴胡切天兵四合賊衆屢摧然後赦却魯之辜許其歸復寬註誤之典期以撫循註音卦前文帝紀濟北王反註誤吏民外恒皇威中感聖德雖在梟鏡梟堅堯切鏡當作曉前漢志注梟鳥名食母破鏡獸各食父如龜而虎眼豈不知歸是以未極誅鋤遽聞內潰鯨鯢已戮見東海之無波氛沴盡銷仰太陽之普照功格于天地化合于陰陽一德方繼於商書降神自同於周雅遂使垂白遺老再逢天寶之安搢紳諸生遠期貞觀之理某特承朝獎謬列藩臣常以突刃觸鋒未為效節膏原潤草豈足酬恩寤寐撫心不遑寧處今則削平之際慙無天寸之功開泰方初徒受丘山之寵無任憤激屏營之至抃舞歡慶倍百恒情

賀平淄青後肆赦狀賀中書門下

某官某乙右某伏奉二月二十二日德音以淄青削平慶賜大洽率土之內抃躍無窮伏惟周滅三監但明誅放之罰漢平七國更嚴斬殺之科未有翦覆兇渠撫存疑類威暫行而德洽誅纔及而恩加操

兵者悉獲歸休秉耒者更聞優復與之種食種章勇切豐以貨財疾苦盡除鯁孤咸育葬戰死之骨增以賞延憐刃傷之肌存其原給滌山川之舊汚申節義之餘寃功多受三事之榮詩三事大夫注三事三公也元和十四年斬李師道田弘正奏捷加弘正節者有十連之寵禮記十國以為連七有帥劉檢校司徒同平章事節者有十連之寵禮記十國以為連七有帥劉軍節較然逆順益以彰明和氣遠周嚴七旬之千羽仁風溥暢收六月之車徒寰海永康夷夏均慶章泰司戎旅獲奉昇平當伊尹無耻之辰見咎繇惟輕之德魯頌節節字朴躍之至倍萬恒情無任慶賀之至

賀分淄青諸州為三道節度狀賀中書門下

右某伏見某月日制分淄青諸州為三道節度都團練觀察等使者害氣盡除和風溥暢聚壤既分其形勝經野必正其提封河濟異宜海岱殊服八命作牧無聞威福之源十國為連已肅澄清之政鼠無夜動左傳襄公二十三年城鴉變好音水惠澤豈俟於崇朝仁化寧期於必代論語必世而後仁遂使琅邪即墨田生無慮其異謀前漢高祖紀田肯曰

齊有琅邪即墨之饒南有泰山之固此聊攝姑充晏子但聞其善祝有濁河之限非親子弟莫可任齊者聊攝姑充晏子但聞其善祝左傳昭公二十年晏子曰祝有益也詛亦有損聊攝以東姑充以西為人也多矣注聊攝二城齊西界姑充三水齊東界恭以相公譽參禹績制出蕭規揚子蕭止隨光輔聖神永康黎獻某獲逢開泰忝守方隅朴躍之誠倍百恒品

代裴中丞上裴相賀破東平狀裴行立賀裴度

右伏以逆賊李師道克就梟擒已具中書門下狀賀訖某忝居末裔同族特受深恩踊躍不寧輒復披露竊以自古中興之主必有命代之臣一德同功以叶休運故申甫方邵成宣王復古之勲甫力叔召勇吳鄧寇耿致光武配天之業吳漢鄧禹此皆上下齊志中外悉心雖成功則多而陳力甚易豈若閣下挺拔英氣邁越常流獨契聖靈以昌鴻業廟略初定異議紛然詆訕盈朝萋斐成市詩云萋兮斐兮成是具錦閣下秉心不惑定命彌堅討淮有之兇則下車而授首元齊服恒陽之虜則馳使而革心裴度遣伯善說王承宗承宗遂獻德棣二州况師道惡稔禍盈

鬼怨神怒恣行悖慢敢肆欺誣天兵四臨所至皆捷次又捨其將校許以歸還罪止一夫恩加百姓豺狼感化梟鏡懷仁梟堅堯切鏡當作鏡自致誅夷以成開泰萬方有慶四海無虞遂令率士之人盡識太平之理盛德大業振古莫儔然則布政明堂勩功東嶽光垂後祀輝映前王神化允屬於聖君崇勳實歸於宗袞慶賀之至倍萬恒情

為裴中丞乞討黃賊狀一本丞字下

某材質無堪授任非次當有事之日忠懇莫施遇成功之辰慙憤空積陳力之志誓死不渝伏惟仁恩終賜展効今者中華寧謐寧謐也異類服從唯此南方尚餘寇孽伏以黃少卿等憑瑋塿以自固瑋塿也家謂之培塿又云小阜也培塿也台塋脆以為強脆也雖狐鼠之陋無足示威而蜂蠆之微猶能害物萬切必資翦伐方致和平庶盡驚蹇之勞以答恩榮之重撫心踊躍夙夜不寧私布丹誠敢期明鑒無任感激

彛營之至

為桂州崔中丞上中書門下乞朝覲狀崔詠

右某幸遇文明叨承委寄理戎典郡十有四年瞻戀闕庭神魂飛越

項在邕州元和五年管經略使崔累陳誠懇謬尸進律之寵禮記有

出入更踐某自領桂管又逾再周元和八年十二月崔詠遷桂

驚於紫霄獨無羽翼仰星辰於黃道徒竭丹誠况正月會朝遠夷皆

至六歲來見要服有期要一過切豈使班超之望長懸東漢

乞特申微願錄受冗負微故事而不遺揆夙志而斯畢入天子之國

願附禮於小侯拜宰相之車敢希榮於上客一本上無任懇禱彛營

之至輕瀆威重戰汗伏深謹狀

為南承嗣上中書門下乞兩河效用狀

右伏以越敗夫差多會稽納官之子國語越語孤子寡如疾疹貧病

趙摧栗腹即長平死事之孤趙史趙武成王十五年栗臨報燕王曰

擊綏栗腹師至趙燕腹何者義烈之餘色氣猛厲上將効於國用下欲濟其家

聲所以憤激悽愴常思致命者也某先父死難睢陽睢宜佳切至德

雅賜害高齊雲等事存簡冊累降優詔榮及子孫爰自繼綵超昇品秩嗣以

父死事七歲為嬰州別駕賜緋魚袋肉食廩給未嘗暫停頃嘗涪州蜀西蜀藩造承嗣

州刺史劉闢反將致死命以盡夙心寢戈嘗膽志願未究晉劉琨枕戈得

膽會刀筆之吏實以深文首級之差今復誰辭前漢馮唐曰雲中守

六級陛下之吏削其爵意以之謗不能自明馬援征交趾餽意以軍器載之一

還皆明珠文犀猶賴舊勳謫居樂土劉闢反承嗣以食人力之粟守無事之

官拳拳血誠無所陳露伏見明制興師討伐恒豐元和十四年制削

志纂前烈願得身當一隊効死戎行切竭平生之忠懇申幽明之

冤痛撫劔心往發言涕零嘗聞漢法有奮擊匈奴者諸侯不得擁過

又况丞相總軍國之重定廊廟之謀固當弘獎無所弃捐伏乞哀憫

收撫以成其心無任懇迫惶恐之至

柳州上中書門下舉柳漢自代狀元和十年

右伏準元和六年十月十七日勅常參官授上後三日內舉一人以

自代便具所舉人兼狀上中書門下者今奏請前件官自代謹連狀

為長安縣耆壽請相府乞奏復尊號狀德宗

長安等縣耆壽某乙若干人右某等伏以生長明時游泳皇澤鼓腹

且知於帝力食毛敢忘於君恩左傳昭公七年食上之竊見近者祥

瑞所呈周於百郡豐稔之報均于四方有以知上玄降靈誕告嘉應

彰我君文明之化仁育之恩大道既行鴻名未舉是以殷勤昭著如

斯而不已者也某皆陶煦純仁成此者老生既無補死而何求唯願

上聞帝閣復建尊號用彰聖德以報皇慈披露血誠伏守天闕糜軀

碎骨猶生之年謹以今日詣光順門輒進表訖伏惟相公贊翊明主  
共致太平而使名號尚鬱天人失望草野愚鄙切有感焉伏望敷奏  
之際開陳其要俾下情允達大願克從退就泉壤樂而無恨輕贖國  
相伏待典刑謹狀

為京畿父老上府尹乞奏復尊號上

京兆尹  
薛良卿

長安縣耆老某乙等若干人右某等幸以羸老獲覩昇平蹈舞薰風  
謳謠壽域譬之草木何以報天寤寐焦勞不知所措伏見聖君臨御  
玄化升聞瑞應匝於萬方謂作音切與而同豐報窮於四海神祇注意天  
地傾心覺悟生人必有為者本有為蓋以挹損徽號近二十年盛  
德益光大名未復故遠邇積慮幽明憤懷故自古以來嘉瑞之至未  
有如今歲之盛也斯乃上玄深旨下人懇誠勤勤相符正在於此某  
等眷戀明時朝夕是切唯願早復大號以契天心庶得聖政益光鴻  
化弥遠少遂踊躍之甚今請詣光順門進表昧死上陳伏以侍郎道

合君臣惠敷黎庶儻遂收採愚慮致貢天庭俾草萊微誠得達萬乘  
非所敢望惶懼伏深謹狀

增廣註釋音辯唐柳先生文集卷之十八

祭文哭辭一本無

祭楊憑詹事文元和十年

年月子婿謹以清酌庶羞之奠昭祭于丈夫之靈宗元要憑弟楊疑女為憑之從子

或云即憑之婿也一本子婿字下有使卿雲輪困困區倫初天漢昭

回自然物外寧雜塵埃公稟間氣見切心靈洞開翱翔自得誰屑群

猜孝友忠信聞于九垓該擢華發藻其動如雷世榮甲科大曆九年

甲亦矜顯處一作務公之俊德有而不顧御史之選朝之所注公勤

于養投効引去憑事節度府召為監察時任方隅威刑是務公施

其惠亦莫有逆童云京兆之難下多怨怒或由以黜瓦石盈

路貞元中京兆尹李實貶通州長史市里數公捍其強仁及童孺元

四年憑自江西左遷而出擁道牽募道峻多謗德優見憎煩言既紙

入為京兆尹憑與御史中丞李夷簡素有隙夷簡劾憑江西奸賊及他

遇

灰

北有嶺曰南過九疑山名謂嶺東逾秣陵秣陵江寧今建康也謂

顏沛三載天書乃徵入傳王國嘉聲聿興自杭州召為王傳詹事東宮致政

是膺自王傳年唯始至道則彌勸頡頏今古董云膺與結切頡音

而上下曰頡飛優游德藝實期濬發再光文陛誰謂昊天遽茲降厲嗚

呼哀哉某以通家承德夙奉良姻莫成子姓早喪淑人貞元十五年

卒年二十元子恩禮斯重眷撫惟新綢繆其志實被實勤迨今孳然十有

八祀家缺主婦身遷萬鬼謗言未明黜伏逾紀德輝間絕音塵莫俟

歲首發函視遠如近雖當沉痾心術猶治撫膺頓首流泣聆視禮云

禮切直開既斂而還莫傳音旨響嵐長慟於茲已矣嗚呼哀哉承

訃之始卜兆所逾載勳其文出拜路隅哀從海濱禮致皇都寸

誠相續終歲不渝天道悠遠人世多虞寄心奴表謂墓長恨囚拘嗚

呼哀哉

祭穆質給事文一本作祭穆勳州文

昭祭于給事五丈之靈自古直道鮮不顛危禍之重輕則繫盛衰矯

矯明靈克丁聖時形軀獲宥三黜無虧賢良發策始振其儀天子勅

容敬我直辭貞元元年德宗策賢良問以天旱穆質對言刑漢載之

冊府命以諫司穆質以制筆自抗奸替否與正為期奏書百上知无

不為誰謂劉賈劉向英風莫追給事黃門奉職樞機封還付外動獲

其宜賈累迂給事中政事無曠爾位惟公在斯達道之行實惟交友

患難相死其廢日父公實毅然誓均悔咎挺身立氣不改其守黜刺

南荒義言盈口元和四年元月北尹揚州刺史封章致命志期殞首

邈矣高標誰嗣于後王命南下郡符東剖流滯湮淪殲此政壽或云

州後杭州未及行而卒嗚呼哀哉公之伯仲信惟先執記曲禮云見父之執執

微秘盡監穆寧之子見感激之風道同義立中司守直奸權是襲致之

徽承雷紹与宰相寶參誣以賄入瑣瑣其徒榜訊愈急榜簿庚切審也穆質罹侍衛史

獄獄侍御史杜倫命其意鍛鍊甚急詔下三司議于洛邑噫我先君

邦憲是輯同上贊弟賞諸關地登聞鼓公究詔三司使折額李觀平

反群枉反字衣以漢書平反注大忤三揖三揖五故切左傳哀公二年

危法旋加譖言俄及左宦夔國譚子厚之父坐貶夔州司馬前漢

義夫掩泣邪臣既黜乃進其級召質為刑部郎中端于庶僚直聲

允集屢屢小子夙奉遺則公在郎位再履擢抑時泰憲司竊分枉直

抗辭犯長有志無力惟韓洎劉監察御史韓同憤露臆道之不行街

媿罔極公在左掖議登秋官先定于志將發其難決白無狀以申禍

端秉心撰詞義不可于會逢友累力作切謂坐曾莫自安感于

楮中諸中呂切左傳成公三年荀躒之在楚也黃貫人有特官諸楮

出有涕洟洟胡官切瀟瀟瀟瀟官切嗚呼哀哉壽宮久翳狼狽

萬里禮不可違誠不可弭抽哀洩憤舒文致美頽邇海風以窮洛溪

清明如在神鑒何已嗚呼格思以慰勤止

祭呂衡州温文温字化光

維元和六年歲次辛卯九月癸巳朔某日友人守永州司馬貧外置

同正負柳宗元謹遺書吏同曹書吏姓名家人襄兒奉清酌庶羞之奠敬

祭于呂八兄化光之靈嗚呼天乎君子何厲天實仇之生人何罪天

實讎之聰明正直行為君子天則必速其死道德仁義志存生人天

則必夭其身吾固知蒼蒼之無信莫莫之無神今於化光之歿怨逾

深而毒逾甚故復呼天以云云天乎痛哉堯舜之道至大以簡仲尼

之文至幽以默千載紛爭或失或得倬乎吾兄獨取其直貫于化始

與道咸極推而下之法度不忒旁而肆之中和允塞道大藝備斯為

全德而官止刺一州年不逾四十佐王之志沒而不立豈非修正直

以召災好仁義以遠咎者耶宗元幼雖好學晚未聞道泊乎獲友君

子乃知道於中庸削去邪雜顯陳直正而為道不謬兄實使然嗚呼

積乎中不必施於外裕乎古不必謂於今二事相勸一本勸作期字從古至

少至於化光最為大甚理行第一尚非所長文章過人略而不有夙



志所蓄巍然可知貪愚皆貴險狠皆老則化光之夫厄反不禁歎所  
勸者志不得施蚩蚩之民不被化光之德庸庸之俗不知化光之心  
斯言一出內若焚裂海內甚廣知音幾人自友朋彫喪志業殆絕唯  
望化光伸其宏略震耀昌大興行於時使斯人徒知我所立今復往  
矣吾道息矣雖其存者志亦死矣臨江大哭萬事已矣窮天之英貫  
古之識一朝去此終復何適嗚呼化光今復何為乎上乎行乎昧乎  
明乎豈蕩而為大空與化無窮乎將結而為光耀以助臨照乎豈為  
雨為露以澤下土乎將為雷為霆以泄怨怒乎豈為鳳為麟為景星  
為卿雲卿即慶字以寓其神乎將為金為錫為圭為璧以炳其魄乎豈復  
為賢人以續其志乎將奮為明神以遂其義乎不然是昭昭者其得  
已乎其不得已乎抑有知乎其無知乎彼且有知其可使吾知之乎  
幽明茫然一慟腸絕嗚呼化光庶或聽之

祭李中丞文屬其祭

維貞元二十年歲次甲申五月某朔二十二日故吏儒林郎守侍御  
史王播將仕郎守殿中侍御史穆贄贄字奉議郎行殿中侍御史馮  
邈承奉郎守監察御史韓泰宣德郎行監察御史范傳正文林郎守  
監察御史劉禹錫承務郎監察御史襄行柳宗元承務郎監察御史  
襄行李程等謹以清酌之奠敬祭于故中丞贈刑部侍郎李公之靈  
惟公堅貞守道潔廉成德當官秉彝卓爾孤直高節外峻純誠內植  
臨事不回執心無惑矯矯勁質一本質作節字擢於天枝式是邦族繁其羽  
儀發跡內史參其軍事占內史地今鳳翔府自下廟上直詞屢至切前漢賈山  
自下廟上注屬也于後受邑歷撫疲人公去逾久人滋咏呻復從京邑辟著  
司錄振其綱條端我向服黠吏屏氣屏必切貪官窒慾赫赫有命登于  
王庭邦賦以修國用是經實抗其長以奉準程校其簿書無失奇贏  
奇音醫贏音盈進為正郎向會是專會古外切計也乃刺于商虎  
謂政機也節登山出為商州刺史化塔為沃土也磽確為嶽致夷於艱道途謳歌有詔

徵還承我御史執其憲矩糾逖之志直清是舉慎擇察吏必新之楚

楚詩二篇言刑其楚注楚辭新之中尤類二者終始七載不忘祇勤事無觀瞻道有丞伸

早囊密啓忠懇屢陳令望逾重名卿是屬掩紳遽聞掩紳可切引也

之東首加卷衣已復者皆升自東榮中至復危北面三號捲衣投於

禮備賙贈車馬賙贈作賙贈賙財曰賙賙皆助生送死之禮恩加命服

突有時左傳突之倫切厚也突音夕夜也歲月逾蹙播等猥備官屬况當

薦延承其規模奉以周旋近或逾月遠則累年咸承至公官守獲全

故事盡在遺風藹然俯仰庭除顧慕潸潸致誠一觴拜訣堂筵嗚呼

哀哉

為章京兆祭杜河中文章夏祭杜祭

維年月日甲子京兆尹章夏卿謹以清酌之奠敬祭于故河中節度

贈李部尚書杜公之靈自古謀帥恒在諸儒晉登却毅亦以詩書

通切左氏作師從去穀胡谷切左傳魯公二十七年晉作三軍謀元師越襲曰卻毅可說禮樂而敷詩書爰及近代二

柄殊途授鉞之臣率由武夫時惟明靈道冠學徒天子有命總其戎

車何以邦之維絳及蒲州名並有山有河歟此大都切下絲燿燿

時振宣後學命服之盛光于列岳謂保豐福永縈王爵壽如何期神

不可度符洛嗚呼哀哉大歷之歲詔徵茂才時泰同道一作俱起草

兼懷策既陳綸言煥開考第君甲大曆二年夏卿與弟正卿自天胞

回分命邦畿夏卿初為武後陪同志為友星霜屢迴長我十年禮

宜兄事長則兄事之周游歡洽莫不如志于後多幸謬列周行禮

行戶則切詩實歲月行注列也置周之列位箋謂又同制書並命

文昌及余稍遷吏部為郎公厲中兵此焉分行夏卿為吏部員外郎

再獲懸事東西相望望音出處同道樂惟其常後余出刺九載南服

夏卿自給事中出公自左輔遂膺推轂推通回切史記王者之遺將

為常蘇二州刺史我勤魏闕爰揔九流貞元十五年夏卿為吏

同州刺史杜確為河中誰謂河廣願言莫由烹魚之問徃復相酬惠好斯厚惟以綢繆綢繆由切

彫莫余弟宗卿獲庇仁宇韋宗卿為命佐廉問忘其愚魯似以羽翼  
 泮之鸞翥鸞音軒翥章惠文義義惠文冠也秦時法赤紱在股紱音  
作希諸侯以赤紱為之古榮映斯極從容何補承慶惟深報恩無所  
 嗚呼哀哉天子震悼哀我良臣密印追贈尚書禮殷四方興嗟况此  
 故人猶念平昔徘徊悲幸卜葬斯及禮儀畢陳敬薦行潦洩哀茲辰  
 嗚呼哀哉

為韋京兆祭太常崔少卿文韋京兆

維年月日甲子京兆尹韋夏卿謹以清酌庶羞之奠敬祭于亡友故  
 太常少卿崔公之靈惟靈率是良志蹈其吉德炳蔚文彩周流學殖  
丞戰切左氏大夫李殖孔氏之訓專其傳釋黃老之言探乎幽曠壯華  
也注殖音生長也六書奧祕是究是索六書一曰象形二曰指事三曰會意四曰形聲五曰轉注六曰假借叩爾玄  
 關保其真宅藝成行備披雲騁跡康莊未窮康莊謂道也濠記  
 已極濠記謂濠水也嗚呼哀哉夙歲同道從

容洛師洛師唐東都按袂交襟以遊以嬉策駕為高高夫引切火

丹霄可望青雲可期洛中十友談者榮之惟鄭洎齊各登鼎司鄭洎齊

不悽悲嗚呼哀哉往佐居守及爾同寮笑遨交歡匪夕則朝人同其

室出聯其鑣馬街切投文報章既歌且謠及我為郎優游吏部公為

御史持憲天路文陞徐趨眷戀相顧歡愛之分有加于素自我于邁

規模聯事合情又倍其初我尹京兆公亞奉常步武相望佩玉以鋟

謂保愉樂長此翱翔抱疾幾何忽焉其亡嗚呼痛哉原念往昔愛均

骨肉我有書笥盈君尺牘寤言在耳今古何速矣涕興哀匍匐往哭

撫筵一呼心焉摧剝普木切日月逾邁佳城遽卜素車千里逶迤山谷

逶迤危切晦爾精靈藏之斧屋禮記檀弓孔子曰吾見若覆夏屋嗚

迤余支切

迤余支切

迤余支切

呼哀哉丹旌即路祖奠在廷去此昭昭就爾冥冥敬陳洞酌以告明  
靈詩大雅洞酌彼行潦注臨觴求勸無寫哀誠嗚呼哀哉伏惟尚饗

為李京兆祭楊疑郎中文 李實

維貞元十九年歲次癸未四月辛未朔某日檢校工部尚書京兆尹  
司農卿李實謹以清酌庶羞之奠敬祭于故兵部郎中楊公之靈惟  
靈清標霜潔馨德蘭薰冲和茂著孝友彰聞濬發洪緒激揚清芬思  
侔德祖 思蘇恣勿後漢楊修字德祖 學紹子雲 並揚姓 瑩彼靈府彬其英文吐  
論冠時舒華軼羣 軼音 百氏之奧一言可分旁貴釋老豈伊典墳謂  
躡公相 躡泥 替揚聖君高山安仰逝水沄沄嗚呼哀哉惟是伯仲並  
為士則 疑兄憑弟凌 連擢首科 大曆九年憑中進士弟 迭居顯職公  
之懿美發自朋僚播于四方令問克昭炯然獨識卓爾孤標翼翼其  
容羽儀清朝載筆東掖動無不紀 疑夫益切疑為 起草南宮時論增  
美 疑迂司封員外郎華正封 大梁有報天子是使 貞元十二年疑為

是時宣武帥李萬榮卒其子檀領軍務 密勿之謀唯道是履復歸郎著職茲中兵 貞元  
年疑起家為兵部郎中 簡稽無撓以考其成 周禮遂人注簡稽士卒貞器 英風  
未摠沉痾遽嬰 痾於何切病也 孰云積善降以促齡昔歲江表獲同宴語謬  
為好仁不我遐阻公之元兄 謂楊 復惠德音優游多暇眷眄逾深清  
言盈耳尺素相尋冀茲競爽 左氏昭公三年晏子曰二惠競爽猶可又弱一個焉 嗚呼哀哉遣車就引 遺語戰切禮記雖  
林及此彫落祗雅我心嗚呼哀哉遣車就引 記注遣車載所包遺奠  
而載之者大夫 哀挽先路 挽無反切引也挽歌者喪 迅風悽悲頽景  
以上乃有豐草 幽暮傾都殄瘁揮涕相顧矧茲故人誰任痛慕潢汗一觴詎寫平素  
尚饗

為安南楊侍御祭張都護文 祭張

維年月日故吏某職官某敬祭于故都護御史中丞張公之靈交州  
之大南極天際禹績無施秦強莫制或賓或叛越自漢世聖唐宣風  
初鮮寧歲稍臣卉服漸化椎髻 推傳也切 卒為華人流我愷悌士燮

之理惟公克繼三國吳志士燮字彥威漢末為交勤勞遠圖敷贊嘉

惠銅柱南表前功載修元和元年張舟自安南經略副使遷都空道

北出空與孔同張書傳後式渴壘陬將侯切聚居梯航連連旌旆悠

悠輻湊都會皇威以流方荷天寵宜公宜侯聲馳帝鄉魄降炎州禮

若呢則降嗚呼哀哉公昔試吏時推清猷公昔乘軺謂為文稍經略

官人知準繩鯨鯨以安征賦用登柱史稍遷郎曹繼昇程功佐理海

裔斯澄張府三歷御史按尚書九制外郎轉乃紀南方專任是

憑謂遷檢校大子右庶子兼安南都護兼禮分五主恩錫百朋尚書

孔五玉毛詩菁七者義錫我百朋注古開府辟祿群英彼屬顧茲陋

微敢厠甄錄延切既受筐篚載加命服賜有楚冠用慈多角切續漢

志云獬豸神羊狀如曲角星言赴命注望幃幃幃一本本視除如夷瞻

程非鮑伯氏左宦謂侍御斐滯中途流連隱憂言念涕濡子姓莫在

使命頓殊一本命兢魂吊影敢廢斯須情留江徼音夢結天隅恩切

有裕詩此令兄弟義乖從役顧慕長勸展轉增惕瘳力猶在音

骨也或從肉此宜作旅中腸屢激方俟銷憂永期投跡謙德不福法

星降災廷懸遽徹禮記大夫無故不徹懸注懸日馬計爰來音撫

躬益恨循顧增哀瞻容莫及報德何階轉車北轅音申奠克

詣望拜徒至音墜水垂閉州斗酒後漢曹操祭橋玄墓曰庶寫幽懷

祭萬年裴令文裴謹字

惟靈孝友之性寔惟天與飾以儒書洽其譽虺愕然其量音

作嗚虛大兒莊子廓爾其宇人以義來我以身許塞裳赴急不避寒

暑交半域中多容鮮拒賢於博奕媚茲讜語或泛或沉兩得其所考

禮成文墜章克舉唐自開元制禮云因恤一章累聖陵寢皆因事擊

集孔藏展樂承職音官式序裴瑒為太常主簿既聯奏復謂二陵亦

圖荀虞音第巨懸鍾磬者播在奉常永傳儀矩脫略細謹傲忽煩言

坦然自居無顧仇怨也文選空負百年怨卒成官謗莫究禍源坐

黜中徙再期騰騫音軒飛兒下以鳥裝墮為金川滑吏所請孰云蓄

憤遽此歸魂嗚呼哀哉世稱姻黨鮮克終吉唯我與君久而逾密追

惟淑德嬪于君室嬪娶子厚之姊上順尊卑下歡儔匹致其孝敬式是仁恤

爰及童孩處心勿失君之仲季墜兄聖弟墜皆文賦或操觚而率爾注觚木之方茂於文術游藝相從操

觚散帙觚蒼刀切觚音孤選文賦或操觚而率爾注觚木之方者古人之用之以書猶今之簡也五臣注觚木也古人之用以為

筆誤笑顏余寒劣厠迹奔逸絕塵而回曰夫子奔逸二紀于今交情若

一屢聞彫歛互見遷黜契闊伶俜契語結切詩死生契闊注勤也流落兒丁分形間質謂音開方期末路稍追曩日時不我謀於焉

斯畢營營衛尉堦之弟獨守邦秩想其永哀淮海蕭瑟嗚呼哀哉聞疾

馳簡其命未返翻其訃書來自番禺番禺音蒲禺音愚番禺塊守

窮荒山夔與居夔夔追切國語木石之柅曰夔夔有肩不申有

志不舒况逢零悴當此囚拘拊膺長慟長慟何如一本作天菲禮無

取沉哀有餘嗚呼哀哉

祭呂敬叔文呂恭字敬叔

維年月日朔友人從內兄守永州司馬負外置同正負柳宗元謹以

酒肉之奠致祭于亡友呂敬叔之魂嗚呼鞠躬歷聘或以不答孔子

屠漁垂離夫何克合太公望屠於朝大或不容小或見遺往來逢迎

今古參差參初金切惟子之中忠勇克之以誠與物退受其疵智謀

宏長辯論恢奇巖我慎大一作魏與世異姿何付之器而躓於時音

致常曰余武王功是期誓者其力以達皇威音邊鄙

不靖俾供輿師左傳成公二年母令輿師入君地輿衆也呂恭為

判官南鄭度諸侯順道戎貊咸宜今其沒矣哀志之違知之無補世又罕

知嗚呼哀哉昔與子游尚疑其志及觀其長誠任其事日異其能歲

增其智進如川行浩浩而遂天乎有亡中道是棄余慎取友惟心之

虔周遊人間餘二十年擯辱非耻升揚非賢一貫于道無四五焉子

之我知不以事遷言而見信貌阻心傳我黜終世子夭於前徒稱子

志誰信我言與子俱已孰云後先惟子之兄謂呂志同義比官刺一

州四十而死子仕方初百年有幾如何默默去我端已端市專切有

釋之妻有弱之子海壖東周號哭萬里壖而宣切海壖指州敬叔葬

紉之行獲出於此通周禮封人置其紉此謂永州爰陳酒肉式嘉

且肯讀茲哀辭以奠而誅魯水嗚呼敬叔吾道已矣尚饗

祭崔君敏文永州刺史

天產崑崙者難為玉植鄧林者難為木公以令望顯于華族藝遂六

書字書學該七錄阮孝緒耽此黃老合切恬於寵辱入補黑衣

師蜀龍曰願得補黑衣之數以備王出參句服宰制岳濱周於仁育為

紀綱淮海政令惟肅書馬首淮海惟揚州宰制岳濱周於仁育為

州龍興令儲闡典議直清攸屬宰制岳濱周於仁育為

吏勤于庶獄妖誣殄除淫祠翦覆出令三歲人無怨讟徒谷進律未

行歸神何速其咸以罪戾調茲炎方公垂惠和枯槁以光鳴鑿適野

泛鷁汾湘鷁况歷切亦廣筵命樂華燭飛觴高歌曼舞終以無

荒紛慮斯併憂懷暫忘良時不再斯樂難常今其柰何顧慕感傷嗚

呼室有迭去川無息流追懷曩辰况若夢遊奠徹中寢魂遷乘舟邦

人永思匍匐隱憂况我懷德心焉若抽潔誠可鑒顯藻非羞

祭段弘古文

世病乎直人悅其和行而不容雖聖柰何提其信義誰與同波硜硜

以終硜立耕切堅不可磨游得其人友擇其益弘古見李景儉品温

然將貫金石追恩懷舊興詞憤激君昔來辱備聞嘉言宵會北堂晝

宴南軒去適于越弘古南抵容州實群過桂也不日其旋載除我

居望爾北轅今者之來丹旆有翻閱茲英志限此中年嗚呼哀哉居

實斯貧有子而幼孰云履信惟天所佑道途之資敢廢于誓志君之

行銘石斯授有潔其觴有楚其豆庶鑒于誠臨茲饗備

祭李中明文李行敏字中明

致祭于亡友中明之靈夫子之道邈以恒兮夫子之志勵以競兮求

中慙末若履冰兮敦仁以孝實烝烝兮唯毀死虧禮其他莫懲兮本

類繩直兮謾言來加不遽陵兮舉世群非自視弘兮庶優游于道大

賚是承兮掩寃舒抑與類升兮胡茫茫其不信卒以禍仍兮豈諂忠

哀信一作發誰一作裏鬼所憎兮將教言吾欺終不可徵兮吾方期子

于暮冀有興兮今而棄余志若崩兮若將援而上喪厥肱兮但其殞

心交背膺兮水之綿綿山萬層兮又淫以雨雲紆委硯礧兮礧切

行中道殘號兮一本鬼作思其切殘號出兒疏又其極切號也聊致吾慎

魅搗呵曷可張兮精搗也呵虎何切責也怒也與詞同

禮字登切 並石兒 鳴鶴夜啼群瞑凝兮鳴與鶴同凡脂切為鳥鳴音 魂鬼以

斯言孰稱兮慎一本

哭張後餘辭并序

後餘常山張氏孝其家忠其友為經術甚邃而文少余七年頌弟畜

之與之居終日冲然忘其有人與之言鏗爾而厲辯而歸乎中凡人

有道而不顯於世則曰非其世也一本無則道而得乎世猶不顯

則曰命猶一本命之微不可知知而素乎外者曰性與貌後餘之性

可謂良矣其貌可謂肅矣一本無可博實弘裕宜為大官者老求其

所以天賤無可得焉既得進士明年病發辭卒後餘之死人咸痛之

曰天之佑善人而殺是子何也激者曰天之殺恒在善人而佑不肖

者又非論之適也吾謂善與惡天與壽貴與賤異道而出者也無取

喜怒於其中道之出者多其合焉者固少是以君子之難貴且壽也

後餘母老而喪良子東西者助之哭焉况其知者耶然後愈不與諂



冒者同貴不與悼亂者同壽歸黎乎身聞道而死雖勿哭焉可也嗚  
呼一本此下更使既聞道而且貴且壽則其顯庸也甚矣又烏能勿  
痛乎遂哭之以辭嗟嗟張君善不必壽惟道之聞一日為老人皆反  
是百稔猶幼子之優游是亦黃者嗟嗟張君寵不必貴尊嚴為仁早  
服高位淫諛肆慾銀艾淪弃銀印艾子之崇高無媿三事吾見瞞瞞  
而童何切赫赫而辱進襦袴於几杖負泥塗於是服已雖有餘人視  
不足子之跡不混乎其間者幸也宜賀而弔宜歌而哭吾其過乎與  
其寵而加貴善而加壽道施于人慶及于母從容却家樂我朋友豈  
不光裕顯大歟而不克也則弔而哭者其無過乎嗚呼

楊氏子承之哀辭并序楊

楊氏子承之既冠有成人之道其明年四月不幸而夭其外姻解人  
柳宗元為之慟且出涕噫是子也氣淳以愿志專以勤確然而直方  
吾未知其止也作辭賦書論其言甚偉余方愛之謂可以為器者故

不知慟且出涕兄其親戚者乎凡天之生物也不類精銳紛沓一本

亂賢愚混同或遠而合或親而殊然則雖人親戚亦將有不克知其  
美者若楊氏子者其親戚皆賢咸得知之者也使知之徒以增其悲  
愁怨號之聲無為也用是為之辭以相其哀焉相息

葆醇熙兮承貞則懿文章兮好循直誠耿介兮又綽寬學之勤兮行  
彌專質圭璋兮文虎豹超凌厲兮馳聖道力未具兮志求通道之遠  
兮足先窮有母噉噉兮有弟哀號噉音世父孔悲兮湘水滔滔去昭

曠兮沉幽冥魂冥冥兮竟難託難一本死者靜兮生者愁子之淑兮  
徒增憂志甚良兮命甚蹙子之生兮又何欲悲吾耳兮動吾神誰使  
子兮淑且仁嗚呼已乎不可追終然苦兮徒何為徒一本

舜廟祈晴文

代永州刺史作

年月日某官某敢用牲牢之奠昭祭于虞帝之神帝入大麓雷雨不  
迷帝在瘠幾七故以齊九澤既陂錫禹文圭至德神化後王與稽勤

事南巡祀典以躋此焉告終此謂零陵郡宜福遺黎廟貌如在精誠不昧

今陽德懋候懋與同有滄淒淒降是水潦混為塗泥岸有善崩善崩謂

均彼蓬藜敢望誅黑蛟音或從庚神蛇也扶陰規扶音扶擊也規式

乾后土以廓天倪案盛不害餘糧可樓或簸或漉音漉為酒為醢

帝其聽之無作神羞

雷塘禱雨文柳州作一本載於韓文者誤

惟神之居為坎為雷專此二象宅于巖隈風馬雲車馬一本肅焉徘徊

誠往苟失其應人將安仰歲既旱曠害茲生長曠音漢熱氣敢用昭

告期于盼蠻猶真漢也一云溫生虫某自朝受命臨茲裔稟茲政

方初庶無淫狂禦庶自持忠信是仗苟有獲矣神其可罔作擢擢

嘉生惟天之養豈使察威夷於章莽莽音容騰波通氣出地奮響

若成功惟神是獎

祭蘇文元和十四年裴行立請黃賊因作此為裴中丞

維年月日某官以牲牢之奠祭于蘇神以蘇牛尾為之在左惟昔禮

有大特化為臣粹秦人憑神乃建茸頭禮潘本作禮恐非案史記秦

之不勝或墮地髮解彼髮牛畏之入水故是為兵主用以行師漢宗

蚩尤前漢高祖紀亦作靈旗既類既馮指于有罪馮音罵師祭也文

越以牲刑各備為太一蘇名曰靈北而詔盟周禮秋官抗侯以射

浪切詩賓之初筵大侯既注雖有古典今棄不用惟茲之制神實

守祀有蠢黃孽孽也謂保固虐人伴茲太平猶用戎律天子有命

施威于下惟守臣某董衆撫師秉羽先刃出用茲日敢脩外事禮記

以剛爰薦求牛周禮牛人祭禮共其享牛求庶無留行以殄有罪國

庶無留行以殄有罪國

有祀典屬于神眚傷夷大命無敢私顧惟克勝敵以全天兵去茲蠱  
蠱音賊並食苗虫達我涵育收厥隸圉役于校人錄即計切役也  
校人音掌馬海隅黎獻求底于理無或顛刃左傳襄公五年甲兵不  
顛注頭以為神耻急如律令

馮牙文上事同

維年月日某官某以清酌少牢之奠馮于軍牙之神馮音罵師祭也  
將軍之精也始堅牙必以綱日綱日者謂秦定百越  
上剋也兵牙之目吉氣來應大勝之徵秦始皇三十二  
以為南海漢開九郡漢武帝元鼎六年定越地以為南海蒼梧  
桂林象郡漢開九郡漢武帝元鼎六年定越地以為南海蒼梧  
編列同于諸華天寶兆亂北方荐役惟是南方又稽討伐藩蠻恬險  
乳字生聚悖傲威命虐夷齊人黃姓陋夔夔音魚列實恣暴盜僅  
壯殺老掠殺使臣與去聲梟視洞窟梟音堅以逃大戮今皇帝憲宗  
受天景命數于有仁凡百凶毒罔不震伐齊魯誼殄魯一本作青  
趙魏顯化趙謂承德軍節度使王承宗以德兼二州歸于有司溥天

之下咸順帝理唯是瑣眇尚恣昏頑致天震怒命底于罰官臣其裴  
立也左傳襄公十八年其官臣欽率邦典統戎于征惟爾有神懋揚  
履職敢告無縱詭類無劉我徒左傳成公十三年鏃刃鋒鏑畢集于  
兌躬鏃于木切天末也鎧甲于有威完于義軀鎧苦蓋切甲也焚燭  
蕩沃燭五各切劍端也如行虛俾人懷于安以靖萬之隅南方在是舉也往欽  
哉無作神羞急如律令

祭井文元和十一年

致祭于水土之神惟神蓄是玄德演為人用國語夫水土演而民用  
不窮之養功齊乳漣漣多貢觀勇惟古有制八家所共黃帝制井田  
家共是邦闕焉官守斯恐蘊利茲久闕靈則深爰告有神惟惻我心  
易并封井井井不茲利兆于彼城陰神斯有仁是鑒是臨惟昔善朋  
食為我心惻前漢蕭池志岸今則堅好惟昔迺石迺一本今則順道終古所無聿  
善萌善循善也從心禱非神是與以力焉保發自玄冥成于富媪  
從心禱非神是與以力焉保發自玄冥成于富媪媪音烏皓切女老稱

富媪注坤為長厥靈不愛其寶敬脩報禮式薦蘋藻

祭門文祈晴也祭音冰祭名

祭于城門之神惟神配陰含德司其翕關能收水沴以佑成績沴音疾  
也又徒淫雨斯降害于麩麥野夫興憂官守增惕諸陰既閉陰一本  
前漢重仲舒治國以春秋災異之變推陰陽所陰一本  
以錯行故求雨閉諸陽縱諸陰其止雨反是休徵未獲敬用瓢齊齊  
上婢進切下在字切周禮以展周索索悉名切左傳公四年  
而祭祀乃蜡祭也納其雲氣復我川澤惟神是依式佇來格

祭六伯母文婦人祭門用瓢齊杜子春音資

維貞元十七年歲次辛巳二月癸巳朔二十五日丁巳涇男華州華  
陰縣主簿縑許云謹以清酌庶羞之奠敬祭于六伯母之靈伏惟天  
錫考壽神資淑德高明而和柔惠且直敬長慈幼宗姻仰則不借貴  
位孰不悽惻嗚呼哀哉移天夙喪文強二十移所天注女子在家則  
丁此閔凶王畀繼天易長子莫承于宗懿彼賢女孝誠自中温七良

人竟揚德風承順必敬滑耳則豐致養有榮其道克終天禍族衰

承哀訃芳隅纏牽官事一本奔哭無路亦既請告聿來京師以號以

呼祇拜堂帷子姓彫落宗門日衰託于外姻陳此靈儀李氏三女

陳農皆賢貞元十六年楊氏女扶侍至京師遇疾卒于陳氏自小數

至于大數一齋實參主之有孫二人長曰曹即奉之以緘而正于位

幼女號戀誓言固之謂陳長仁賢見容曲遂其私謂陳內顧孱眇祇

益摧悲弱紐山切謂誠愧于人翌日得宜今歲調選並去獲參士林主

其簿書于華之陰受祿雖微莫遂養心夙駕東征祖輶將臨童云

續朔望是違哀懷豈沃嗚呼哀哉

祭獨孤氏丈母文獨孤中

維年月日某以清酌之奠祭于獨孤氏丈母之靈惟靈育德涵仁克

生賢子獨孤中重卒年二十九生而不淑未壯而死名播九圍望高群士唯

徵祿位人羨其美在抱無孫承家之礼孝女良婿適遵慈喜其曩與

子重道契義均知心為貴實在斯人奉養宜繼將致其勤竟罹禍謫

逾紀漂淪夙志斯阻微衷莫申冀榮末路私願獲陳遽此承訃天乎  
不仁嗚呼哀哉昔也高堂世悲其獨今茲玄室孝道當後神感昭勤  
不疾而速靈識逾濬承歡載穆式致其安寧寘其毒願言有知以慰

幽躅

玉切

祭從兄文

柳寬字存諒子  
厚五從族兄

嗚呼我姓嬋媯

童云上音婢下  
於慶切長兒

由古而蕃鍾鼎世紹圭茅並分至于

有國爵列加尊

聯事尚書十有八人中遭諸式仰過饑窶踣弊不振

潘云路蒲北  
匪候二物

數逾百年近者紛紛稍出能賢族屬冷曜與同期後于

前君修其辭楚越

猶傳從事諸侯假乎郡藩乎疑當作守柳寬從人  
事廣南假守支郡

發吏畏威惠咸宣神乎我敢命返不延

寬中厲氣年四十七

興起之怒是

越是愆歲首去我將濱海嶼留遊歡娛涉月弥旬夜焚膏炬書愛風

煙理策嘔歎

童云上鶴丁切說文曰縻舟濤濶推切水波貌

又醉就牲而旋今者之來徒御淒然垂帷檐檐張云裙蚩占切飛旒

翻翻升拜無形合哭誰關一作洽

本遊歸從祠于郛之原原音遠

我狂言祗陳其悲匪暇于文觴有旨酒且有純有純音與

小豕也

菲而誠孔繁靈耶罔耶有涕漣漣

祭弟宗直文

子厚同祖異  
父弟字正夫

維年月日

元和十  
年七月

八哥以清酌之奠祭于亡弟十郎之靈吾門彫喪

歲月已久但見禍譴未聞昌延使爾有志不得存立延陵已上四房

子姓各為單子作各慙慙早大切汝又繼終兩房祭祀今已無

主吾又未有男子爾曹則雖有如無一門嗣續不絕如綫即線字

仁義正直天竟不知理極道華無所告訴汝生有志氣好善嫉邪勤

學成癖攻文致病年纔三十不祿命盡一作年過三

蒼天蒼天

有真宰如汝德業尚早合出身由吾被謗年深使汝負才自棄志願

不就罪非他人死喪之中益復為媿汝墨法絕代識者尚稀一本作

又所著文不令沉沒吾皆收錄以授知音文類之功宗各撰西漢  
文類四十一卷

更亦廣布使傳於世人以慰汝靈知在永州私有孕婦吾專優恤以俟其期男為小宗女亦當愛延子長大必使有歸撫育教視使如已子吾身未死如汝存焉炎荒萬里毒瘴充塞汝已久病來此伴吾到未數日自云小差雷塘靈泉言笑如故一寐不覺便為古人茫茫上天豈知此痛郡城之隅佛寺之北飾以殯緜切指索寄於高原死生同歸誓不相棄庶幾有靈知我哀懇

祭姊夫崔使君簡文元和七年 稟葬永州

永州刺史博陵崔公之靈天之生人或哲或愚君取其英爰耀于初

譽動京邑施于方隅密勿書奏元侯是俞崔簡文五年中進士第

書披撰其徒酌平劍門西獲戎俘超受刑曹留總南都簡文在

常病感中途退石是餽元精以渝雷謗爰興披驗增証

簡自連州按章其獄坐流離川始雖進律終以論辜記王制有功

在驩厥弟抗憤叫于康衢天子憫焉訊以文書御史既斥連率是除

不及歸寓葬荒墟將就誓還里閭嗚呼哀哉君之子姓惟自我

出母儀先虧簡氏柳氏父訓又失榮榮相祖也與荒俾同撫悼增恤

咸冀其才以大家室惟昔與君年殊志匹畫咨夕計期正文律實契

師友豈伊親昵誰謂斯人變易成疾良志莫踐垂離永訣嗚呼哀哉永

山之西湖水之東殯紼以出斧琴爰封壘者矣有若覆夏神非久留

息駕于中書石為誌世德斯宗奉剡以酌酌也酌魯外切涕出焉窮

又祭崔簡神柩歸上都文神柩一本

嗔乎崔公之柩嗔一本作嗔切嗔乎崔公楚之南其土不可以室或坊

而頽切符吻也或確而舉確音懇曉確切山多大石舉陰流泄漏

沒渝溢否為截郭璞曰總有兒頭鼠大蟻傍穿側以勸踈脆薄父

乃自窒不如君之鄉式堅且密嘻乎崔公楚之南其鬼不可與友躁

矣桃險桃音超輕睽呻欺苟睽矢舟切暫視鬼又驚胙賤暗宵胙生

且偶日月甚良子姓甚勤具是舟鑿像車也寧君之神去爾夷方

返爾故隣奕奕其歸宜樂且欣君死而還我生而留遠矣殊世曷從

之遊酌觴于座與涕俱流

祭崔氏外甥文一本作崔君廷剛祭二甥文

年月日八舅十舅敬祭外甥韋六小卿之魂嗚呼生有孝姿淑且茂

兮謂吉其終道克冠兮胡典而喪離厥咎兮蹈道而違死誰祐兮豈

汝之味不能究兮將奪之鑿使昏霧兮童云霧武賦反復攬予哀何

教兮骨肉何從魂焉觀兮庶幾來歸餞以侑兮餞音後禮記注食餞

祭二酒實于觴肉盈豆兮豈伊異人余所授兮來耶否耶歆氣臭兮

祭崔氏外甥女文簡之外名媛

叔舅宗元祭于二十六娘子之靈凡我諸甥惟爾為首甥於我氏甥

本生

恩顧彌厚惠明貞淑仁愛孝友女德之全素風斯守播於族屬

祭繫自久恭惟伯姊崔氏之弟道茂行高上承下訓克敬能勞夙有

儀則刑于汝曹雖云性善抑自良陶汝之先君謂崔以文誨我周流

辯論有疑必果恒革其非以成其可孰云具美易以生禍汝及諸弟

流離莫從幸獲我依以慰困窮歸之令族有蔚其容方冀榮壽遠罹

災凶嗚呼哀哉汝自艱酷二弟繼終海門之哀今古罕同駢也英文

敷暢浩通賞期振耀弘我儒風又茲天闕神理何蒙天於表切開音

儒莫之天期此文謂崔比弟處道守節奉其盛德餘慶宜福其曹頡

然降戾惟禍之逢嗚呼哀哉前歲詔追廷授遠牧元和十年子厚召

州刺 武陵便道往來信宿武陵即幸茲再見緩我心曲猶且輕別瞻

史

程務速孰知自此遂間幽躅除王臨視無路朔風慟哭恒焉自中如  
刃之觸却阜有位青鳥載崔氏葬北邙山南道途尚艱歲月以慶  
方俟歸綯文忍勿再期莫沃寄哀斯文心焉彼復嗚呼哀哉

祭外甥崔駢文崔前之子

祭于卿郎之魂嗚呼天恡靈奇後即取不可貪既睿又力神誰以堪  
汝不是思而縱其志盜其管籥塞其篋置抽深扶密檐重揭章  
禁切率也又巨列切負也又守吏失職訪帝行事果殄爾躬以察其  
去例切高率也前則之多能位豈不信耶不然無鬼誅之行而中道天死莊子為不善有後類  
才而二見廢委仁充其軀毒中骨髓其何以為累也兄弟逾十我出  
惟八左傳成公十四年我之自出既孤數祀中分存沒我為汝舅汝  
為我甥求仁具得為藝繼成天下莫倫古罕並行人而思之幾不欲  
生嗚呼哀哉既致其愛祗極其哀秦越萬里心魂徘徊念與汝別桓  
公之臺顧余猶壯視爾如孩戲抽佛筴今謂之籤前次施隈待何切


下為回切笑頡即路嗚鞘不廻音不謂音稍又音笑刃室豈云古今  
自此而乖孰為鬼神忍是陰誅得疾之日兄弟莫在謁醫問巫卒以  
幽昧葬之東野誰贈誰會贈送死也既虞以奠誰主誰酌酌魯外切  
記葬既已竟豈若連孤魂冥冥何託何逝嗚呼哀哉刑曹繼之以病  
反而虞祭以安神告余街憂驅使裏藥操書雖驚狀劇猶恃神扶豈知仍賴終以誤吾  
我自得罪無望遂都想備新墓少陵之隅何時歸祔圮土下呼瀆淚  
徹壙以沾以塗此心未慊祗益推紆累見于臺寧知有無寄之哀辭  
惟姐及壺烏乎哀哉

增廣注

唐柳先生文集卷之十八







110X
579
12
9